

БӨЛІМ: ЖАЛПЫ РУБРИКА

Ұлттық салт-дәстүрлердің тағылымы қандай?

ЖАРИЯЛАНДЫ
10.03.2023СІЛТЕМЕ
https://bilimger.kz/134050/

Әр ұлттың өзінің салт-дәстүрлері мен ұлттық құндылықтары болады. Салт-дәстүр ұлт, халық үшін өмір, қоғамның заңы болып негізделген. Қазақ халқында салт-дәстүрді құрметтеген. Өткен заманда қазақ қоғамы үшін салт-дәстүр бұлжымас заң рөлін атқарған. Мысалы той, наурыз көже, қыз ұзату, қонағасы, шашу, ерулік, ата салты болып саналады. Қазақ халқы салт-дәстүрге бай халық. Салт-дәстүр байлығы — мәдениеттің байлығы. Мысалы үлкенді, ата-ананы құрметтеу, көрімдік, кәде сұрау, байғазы, сүйінші, сәлем беру, құрдастық қалжың, ат тергеу, т.б. салт-дәстүрге жатады. Салт-дәстүр көрінісі әдет, ғұрып, ишара, дағды, ырым, тыйым және т.б.

Ұлттық салт пен дәстүрдің тууы ұлттың ұлт болып қалыптасуына байланысты. Этнограф Сейіт Кенжеахметұлы ел есінен шығып бара жатқан » бел көтерер», «немеурін», «құттық», «биеқыстырмақ» тағы басқа көптеген ұлт әдет-ғұрпының 350 түрін тауып, жүйелеп ашып көрсеткен. Соған орай ол «Қазақ халқының салт-дәстүрлері» деген анықтамалы жинақ бастырды. Ол этнограф қазақтың салт-дәстүрлеріне өзара топтастыра білді.

1. Отау көтеру дәстүрлері: «Той», «Қалың мал», «Киіт», «Өлі-тірі»;
2. Тәрбие дәстүрлері: «Шілдеhana», «Сүйіндір», «Ат қою», «Бауырына салу»;
3. Отбасы, тұрмыс дәстүрлері: «Ауызбастырық», «Ат мінгізіп, шапан жабу»
4. Еңбек дәстүрлері: «Асар» , «Көген той », «Қолкесер»;
5. Наурыз дәстүрлері: «Қыдыр ата», «Наурыз бата», «Әз»;
6. Ислам тағылымдары: «Айт», «Құрбан шалу»; 7. Қаза ғұрыптары: «Жаназа», » «Көңіл айту», «Естірту»;

Жоғарыда аталып өткен дәстүрлеріміздің кейбіреуі қазіргі өмір салтымызда шығып қалған. Қазақ халқының тұрақтанған дәстүрінің бірі – жеті атасын білу. Жеті атасын тарата білу арқылы әркім басқа рулармен байланысын білген.

Дәстүріміз болса, халық оң болады, дәстүр бұзылса, қоғамның тарихи даму

сабақтастығы да бұзылады! Сондықтан да салт-дәстүрлерімізді құрметтеп, есте сақтап, дұрыс жеткізе білу әрбір адамның қолында!

КМ АА Күәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz Ақпараттық-танымдық білім порталы**. Барлық мазмұн авторлық құқықпен қорғалған.